



**Broj:01-187 /09  
Vareš, 04.08. 2009. godine**

Na osnovu čl. 311.i 313. Zakona o privrednim društvima („Službene novine FBiH, broj: 23/99,45/00,2/02,6/02,29/03,68/05,91/07 i 84/08), člana 3. Zakona o javnim preduzećima u Federaciji BiH („Službene novine FBiH“, broj: 08/05,81/08 i 22/09,), člana 4. Zakona o sukobu interesa u organima vlasti u Federaciji BiH („Službene novine FBiH“, broj: 70/08) i člana 22. Statuta Općine Vareš, broj: 01-25/09 od 29.01.2009. godine, Općinsko vijeće Vareš, na 10. sjednici održanoj dana 04.08.2009. godine, d o n o s i

## **O D L U K U**

**o izmjenama Odluke o usklađivanju statusa Javnog preduzeća „Vareš-stan“ Vareš sa Zakonom o javnim preduzećima u Federaciji BiH i Zakonom o privrednim društvima**

### **Član 1.**

U Odluci o usklađivanju statusa Javnog preduzeća Vareš-stan Vareš sa Zakonom o javnim preduzećima u Federaciji BiH i Zakonom o privrednim društvima br.01-102/05 od 08.09.2005. godine član 4. se mijenja i glasi:

“Javno preduzeće obavlja djelatnosti u skladu sa djelatnošću upisanoj u sudski registar i u skladu sa Odlukom o klasifikaciji djelatnosti Bosne i Hercegovine („Službeni glasnik BiH“ br.84/06) i to:

- 40.300 Proizvodnja i snabdijevanje parom i toplom vodom,
- 45.213 Održavanje objekata visokogradnje, niskogradnje i njihovih dijelova,
- 45.220 Postavljanje krovnih konstrukcija i pokrivanje krovova,
- 45.310 Postavljanje električnih instalacija i opreme,
- 45.320 Izolacioni radovi,
- 45.330 Postavljanje cijevnih konstrukcija,
- 45.340 Ostali instalacioni radovi,
- 45.410 Fasadni i štukatorni radovi,
- 45.420 Ugradnja stolarije,
- 45.430 Postavljanje podnih i zidnih obloga,
- 45.441 Farbarski radovi,
- 45.442 Stolarski radovi,
- 45.450 Ostali završni radovi,
- 45.500 Iznajmljivanje opreme za izgradnju ili rušenje, s rukovaocem,
- 51.510 Trgovina na veliko čvrstim, tečnim i gasovitim gorivima i sličnim proizvodima,
- 51.532 Trgovina na veliko građevinskim materijalom i sanitarnom opremom,
- 51.540 Trgovina na veliko metalnom robom, cijevima, uređajima i opremom za vodovod i Grijanje,
- 60.240 Prijevoz robe u drumskom saobraćaju,
- 63.120 Skladišta i stovarišta,

- 70.110 Stvaranje novih nekretnina za prodaju,
- 70.120 Kupovina i prodaja nekretnina za vlastiti račun,
- 70.200 Iznajmljivanje nekretnina za vlastiti račun,
- 70.310 Agencije za nekretnine,
- 70.320 Upravljanje nekretninama preko posrednika,
- 72.300 Obrada podataka,
- 74.120 Računovodstveni, knjigovodstveni i revizioni poslovi, savjetodavni poslovi u vezi sa porezom,
- 74.200 Arhitektonske i inženjerske djelatnosti i tehničko savjetovanje,
- 74.700 Čišćenje objekata,
- 74.870 Ostale poslovne djelatnosti,

Javno preduzeće može obavljati i druge poslove koji se javljaju uz osnovnu djelatnost u manjem obimu ili privremeno-povremene poslove.“

#### Član 2.

Član 7. iste odluke mijenja se i glasi:

“Funciju Skupštine Javnog preduzeća obavlja osnivač.

Skupštinu imenuje Općinsko vijeće, na prijedlog Općinskog načelnika i čiji mandat je 4 godine. Skupština se sastoji od tri člana, od toga jedan član iz reda zaposleni u jedinstvenom općinskom organu uprave Općine Vareš, jedan iz Mjesne zajednice Vareš i jedan iz Mjesne zajednice Vareš Majdan, iz reda etažnih vlasnika.

Skupština je najviši organ upravljanja koja obavlja sljedeće poslove:

- donosi Statut Javnog preduzeća;
- vrši raspodjelu godišnje dobiti i pokriće gubitaka;
- odlučuje o povećanju i smanjenju osnovnog kapitala;
- odlučuje o osnivanju i kupovini drugih preduzeća;
- donosi plan poslovanja, investiranja i trajne poslovne saradnje odnosno povezivanje sa drugim preduzećima;
- donosi Etički kodeks, poslovne i druge opće akte na prijedlog Nadzornog odbora;
- imenuje i razrješava Nadzorni odbor i Odbor za reviziju;
- usvaja godišnji izvještaj Javnog preduzeća koji uključuje finansijski izvještaj i izvještaj revizora, Nadzornog odbora i Odbora za reviziju;
- vrši promjenu oblika i podjele Javnog preduzeća;
- odlučuje o naknadama članova Nadzornog odbora i Odbora za reviziju;
- razmatra i ostala pitanja u skladu sa Zakonom o privrednim društvima, Zakonom o javnim preduzećima u Federaciji BiH i Statutom Javnog preduzeća.“

#### Član 3.

Javno preduzeće je obavezno uskladiti akte sa ovom odlukom, te Zakonom o javnim preduzećima i Zakonom o privrednim društvima u Federaciji BiH, u roku od 40 dana od dana stupanja na snagu ove odluke.

#### Član 4.

Ova odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI  
OPĆINSKOG VIJEĆA**

**Josip Malbašić**

Ova odluka objavljena je na oglasnoj ploči Općinskog vijeća Vareš, dana 05.08. 2009. godine.

**OPĆINSKI NAČELNIK**

**Hamdo Fatić**

## **OBRAZLOŽENJE**

### **Odluke o izmjenama Odluke o usklađivanju statusa Javnog preduzeća „Vareš-stan“ Vareš sa Zakonom o javnim preduzećima u Federaciji BiH i Zakonom o privrednim društvima**

Pravni osnov za donošenje Odluke o izmjenama Odluke o usklađivanju statusa Javnog preduzeća „Vareš-stan“ Vareš sa Zakonom o javnim preduzećima u Federaciji BiH i Zakonom o privrednim društvima sadržan je Odluci o klasifikaciji djelatnosti Bosne i Hercegovine („Službeni glasnik BiH“ br.84/06) gdje je došlo do promjene šifri djelatnosti u odnosu na do tada važeće šifre djelatnosti koje su bile na nivou Federacije BiH. Ranijom klasifikacijom pod šifrom 45.440 su se nalazili Farbarski i molerski radovi dok je novom klasifikacijom to razdvojeno na posebne šifre 45.441 Farbarski radovi i 45.442 Molarski radovi te je iz tih razloga potrebno promijeniti član 4. osnovne odluke.

Takođe članom 4. Zakonom o sukobu interesa u organima vlasti u Federaciji BiH („Službene novine FBiH“, broj: 70/08) je precizirana nespojivost funkcije izabranih dužnosnika sa članstvom u skupštinama javnih preduzeća radi čega su općinski vijećnici podnijeli ostavke na članstvo u skupštinama javnih preduzeća te je bilo potrebno izmijeniti i precizirati član 7. Odluke o usklađivanju statusa Javnog preduzeća „Vareš-stan“ Vareš sa Zakonom o javnim preduzećima u Federaciji BiH i Zakonom o privrednim društvima.

**PREDLAGAČ  
OPĆINSKI NAČELNIK  
Hamdo Fatić**